

UGOVOR BR. 11-06-14-25898-16/16
o izvođenju građevinskih radova – rekonstrukcija ravnih krovova
u šest školskih ustanova na području Kantona Sarajevo

Zaključen dana **10. oktobra 2016.** godine između:

Ministarstva za obrazovanje, nauku i mlade Kantona Sarajevo sa sjedištem u Sarajevu, ul. Reisa Džemaludina Čauševića 1 (u daljem tekstu: Ugovorni organ), kojeg zastupa ministar Prof. dr. Elvir Kazazović, identifikacijski broj: **4200666870003**

i

EKO-GRADNJA d.o.o. sa sjedištem u Sarajevu, ul. Munira Gavrankapetanovića br. 106, kojeg zastupa direktor Alen Mujezinović (u daljem tekstu: Izvođač radova), identifikacijski broj: 4201299560007, PDV broj: 201299560007, transakcijski račun broj: 141-306-53200312-15 otvoren kod BBI banke.

I PREDMET UGOVORA

Član 1.

(1) Predmet ovog Ugovora je izvođenje građevinskih radova na sanaciji ravnih krovova šest osnovnih škola: OŠ „Ćamil Sijarić“, OŠ „Osman Nuri Hadžić“, OŠ „Grbavica I“, Zavod za specijalno obrazovanje i odgoj djece „Mjedena“, Centar „Vladimir Nazor“ i JU „Djeca Sarajeva“ – objekat Mojnilo.

(2) Ugovorni organ naručuje predmetne radove, a Izvođač radova prihvata da izvede iste, a na osnovu provednog postupka javne nabavke putem otvorenog postupka i odluke Ugovornog organa o izboru najpovoljnijeg ponuđača.

(3) Izvođač radova je saglasan uskladiti dinamiku radova sa izvođenjem nastave u šest osnovnih škola navedenih u stavu (1) ovog člana.

Član 2.

Ugovorni organ i Izvođač radova su saglasni da Ugovor realiziraju prema već definiranim uslovima u Obavještenju o javnoj nabavci putem otvorenog postupka (u daljem tekstu: Obavještenje) i prema tenderskoj dokumentaciji za ugovor o javnim radovima (u daljem tekstu: Tenderska dokumentacija) i to:

- a) Ugovorni organ prema zahtjevima u Obavještenju i Tenderskoj dokumentaciji i
- b) Izvođač radova, prema dostavljenoj ponudi i dokumentaciji sa preciziranim ponudnim uslovima u ponudi na otvoreni postupak.


II UGOVORNA CIJENA

Član 3.

(1) Ukupna vrijednost radova iz člana 1. ovog ugovora iznosi:

- | | |
|---------------------|----------------|
| 1. Cijena bez PDV-a | 98.816,99 KM |
| 2. PDV | 16.798,88 KM |
| 3. Cijena sa PDV-om | 115.615,87 KM. |

Slovima: (stotinupetnaesthiljadašeststotinapetnaest i 87/100 KM)



(2) Ukupna vrijednost iz stava (1) ovog člana je utvrđena na osnovu Ponude Izvođača radova nakon provedene računске kontrole i usaglašavanja.

(3) Stvarna vrijednost ovog ugovora će biti vrijednost izvedenih radova obračunata prema stvarnim količinama iskazanim u građevinskoj knjizi (ovjerenim od strane nadzornog organa) na osnovu jediničnih cijena iz Ponude Izvođača. Izvođač se obavezuje na nepromjenjivost jediničnih cijena tokom ugovornog perioda.

III OBRAČUN RADOVA I NAČIN PLAĆANJA I GARANCIJA ZA DOBRO IZVRŠENJE UGOVORA

Član 4.

(1) Ugovorni organ zadržava pravo potpune realizacije nabavke po Tenderskoj dokumentaciji po ponudi ponuđača broj 02/09/16 od 13.09.2016. godine, a u skladu sa Zakonom o javnim nabavkama.

(2) Količine iz specifikacije radova su specificirane, a konačne će biti prikazane u građevinskom dnevniku i građevinskoj knjizi i ovjerene od strane nadzornog organa.

(3) Ugovorni organ utvrđuje garanciju, безусловnu bankovnu garanciju za dobro izvršenje ugovora na iznos od 10% (deset posto) od vrijednosti ugovora - u skladu sa tenderskom dokumentacijom sa periodom važenja rok izvođenja radova + garantni rok + 30 dana, naplativom na prvi poziv.

(4) Ukoliko ne nastupi ni jedan od slučajeva koji bi zahtijevao realizaciju garancije za dobro izvršenje ugovora, Ugovorni organ vrši povrat sredstava/dokumenta koji predstavljaju garanciju.

(5) Bezuslovna bankarska garancija za dobro izvršenje Ugovora će poslužiti za pokrivanje stvarne štete i troškova koje Ugovorni organ može imati ukoliko Izvođač radova prekrši odredbe zaključenog Ugovora.

(6) U slučaju neispunjavanja ugovornih obaveza, Ugovorni organ zadržava pravo djelimičnog ili potpunog raskida Ugovora.

(7) Izvođač će odmah po potpisivanju ugovora dostaviti безусловnu bankovnu garanciju za dobro izvršenje ugovora.

Član 5.

(1) U obim radova iz člana 1. ovog Ugovora podrazumijevaju se sljedeći radovi po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).

(2) O dobrom i urednom izvršenju ugovora ispred Ugovornog organa imenuje se Nadzorni organ – Zavod za izgradnju Kantona Sarajevo.

Član 6.

(1) Izvođač radova će fakture za izvedene radove ispostavljati na sljedeći način:


a) po privremenim situacijama nakon što Nadzorni organ potvrdi (ovjeri) privremene situacije Izvođača radova, a nakon što su isti ovjereni u građevinskoj knjizi;

b) završna situacija - po završnoj situaciji, a nakon što su radovi ovjereni od strane Nadzornog organa u građevinskoj knjizi i nakon obavljenog tehničkog prijema od strane nadležnog organa.

(2) Privremene i završna situacija ispostavljaju se na osnovu stvarno izvršenih radova i ugovorenih cijena i sadrže podatke o količini i cijenama izvedenih radova, nepredviđenim radovima, ukupnoj vrijednosti izvedenih radova, ranije plaćenim iznosima i iznosu koji treba platiti na osnovu ispostavljene završne situacije.

(3) Cijene dodatnih nepredviđenih radova, ukoliko su isti obuhvaćeni ponudom Izvođača radova, će se obračunati po jediničnim cijenama istih ili sličnih radova iz ponude, u suprotnom moraju biti odobrene od Ugovornog organa.

(4) Izvođač radova će sve fakture, privremene i završnu situaciju ispostaviti u četiri originalna primjerka.



- (5) Ugovoreni organ će izvršiti plaćanje faktura nakon što ih pregleda i odobri Nadzorni organ. Nadzorni organ je dužan izvršiti pregled faktura najkasnije u roku od pet radnih dana od dana prijema faktura.
- (6) Izvođač radova se obavezuje na nepromjenljivost ponuđenih cijena tokom cijelog ugovornog perioda.
- (7) Obračun izvedenih radova vršit će se po stvarno izvedenim radovima uz primjenu jediničnih cijena iz ponude Izvođača radova broj 02 / 09 / 16 od 13.9.2016. godine.
- (8) Ugovorni organ i Izvođač radova su saglasni da se plaćanje izvrši po kompletnoj situaciji, nakon što su radovi iz situacije uredno ovjereni od strane Ugovornog organa i Nadzornog organa i potpisana građevinska knjiga i građevinski dnevnik, ispostavljena faktura za radove, te dostavljene garancija za izvedene radove i druge obaveze.
- (9) Ugovorni organ će plaćati fakture za izvršene radove propisanim platnim nalogom za plaćanje u roku od 15 dana od dana nastanka obaveze iz stava (4) ovog člana.

IV ROK I MJESTO IZVOĐENJA RADOVA, GARANTNI PERIOD NA IZVEDENE RADOVE

Član 7.

- (1) Izvođač radova se obavezuje da će u skladu sa članom 1 i 5 ovog Ugovora izvesti radove Ugovornom organu, u skladu sa predmjerom i predračunom Tenderske dokumentacije i ponude od 02/09/16 od 13.09.2016. godine.
- (2) Mjesto/lokacija radova je šest osnovnih škola iz člana 1. ovog Ugovora.

Član 8.

- (1) Izvođač radova se obavezuje izvesti radove Ugovornom organu, propisanog kvaliteta, u traženim količinama i u ponuđenom roku iz ponude broj 02 / 09 / 16 od 13.9.2016. godine.
- (2) Izvođač radova se obavezuje na garantni rok za izvedene radove 24 mjeseca od momenta tehničkog prijema radova.
- (3) Izvođač radova se obavezuje na rok izvođenja radova do devedeset (90) dana, a koji će usaglasiti predstavnici ugovornih strana na objektu.
- (4) Ugovorni rok utvrđen odredbom iz stava (3) ovog člana ovog Ugovora može se produžiti samo u slučaju više sile iz razloga neplaniranih događaja od bitnog utjecaja na rad, a nakon saglasnosti ugovornog organa.
- (5) Rok izvođenja radova iz stava (4) ovog člana ne uključuje dane vikenda i više sile (kiša, vjetar, snijeg, grad i sl.).
- (6) Izvođač radova je upoznat sa uslovima na gradilištu i po ovom Ugovoru prihvaća izvedbu predmentih radova u skladu sa odredbama i uslovima iz Tenderske dokumentacije.

Član 9.

- (1) Izvođač radova se obavezuje Ugovornom organu radova da će izvesti radove u skladu s Ugovorom, propisima i pravilima struke i da neće imati mana koje onemogućuju upotrebu ili umanjuju upotrebnu vrijednost građevine.
- (2) Izvođač radova daje garantni rok za izvedene radove po ovom ugovoru od 24 mjeseca. U tom vremenu po pozivu Ugovornog organa/Naručioca i o svom trošku Izvođač radova će otkloniti sve nedostatke na objektu, koji su posljedica slabe kvalitete izvedbe.
- (3) Ako se Izvođač radova na poziv Ugovornog organa ne odazove u roku 48 sati ili ako ne otkloni nedostatke u dogovorenom roku, Ugovorni organ će pristupiti otklanjanju nedostataka na teret Izvođača radova, realizacijom bankovne garancije.
- (4) Rok u kojem se nedostatak mora otkloniti utvrđuje se zapisnički od strane Izvođača radova i Ugovornog organa.

Član 10.

(1) Ugovorni organ može raskinuti ugovor:

- a) ako Izvođač radova i nakon 10 dana od pismene narudžbe za radove, ne započne s istim;
- b) ako Izvođač radova kasni s dinamikom izvođenja više od 10 dana od ugovorenog roka dinamike;
- c) ako ga Nadzorni organ obavijesti o nekvalitetnoj gradnji i gradnji suprotnoj pravilima struke;
- d) ako van ugovorenih uslova i bez saglasnosti Ugovornog organa prepusti izvedbu svih ili većine radova podizvođaču.

(2) Izvođač radova se obavezuje da će radove izvesti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

(3) Ugovorni organ je dužan da dostavi pisano obavještenje o svakom navodnom propustu Izvođača radova po Ugovoru.

(4) Ugovorni organ će utvrditi razuman rok za ispravku propusta Izvođača radova u smislu izvršene nabavke.

V OBAVEZE IZVOĐAČA RADOVA


Član 11.

(1) Izvođač radova se naročito obavezuje:

Poduzimati sve potrebne mjere za sigurnost i zaštitu građevine, susjednih građevina, radne opreme, materijala i okoliša, svojih radnika, ostalih sudionika u gradnji, zaposlenih Ugovornog organa, prolaznika i prometa i državne imovine prema važećim propisima;

- osigurati potpunu primjenu svih zakonskih mjera i sredstava zaštite na radu;
- osigurati neometan rad ugovornog organa/škola tokom perioda izvođenja radova;
- postaviti znakove upozorenja i opasnosti u svrhu sprečavanja bilo kakvih nezgoda na gradilištu, odnosno sprečavanja nekontroliranog pristupa ljudi na gradilište;
- osigurati i kontrolirati korištenje osobnih zaštitnih sredstava i zaštitnih naprava;
- pridržavati se propisanih mjera pri upotrebi opasnih oruđa i tvari;
- da obezbijedi sve ateste, nacрте ili odgovarajuće prospekte i upute o rukovanju i održavanju za sve materijale i opremu;
- da izvrši pravilnu organizaciju posla u dogovoru sa drugim izvođačima na lokaciji izvođenja radova;
- da izvrši sva neophodna ispitivanja o svom trošku koje ima dati za materijal, opremu, radnu snagu, pribor i instrumente;
- u roku od tri dana po stupanju na snagu ovog ugovora aktom odredi odgovornog voditelja radova (odgovornu osobu), koji će biti odgovoran za realizaciju radova i zakonom propisanih mjera o zaštiti na radu;
- u roku od pet dana po stupanju na snagu ovog ugovora sačini detaljan dinamički plan i šemu organizacije gradilišta i usaglasi istu sa Nadzornim organom i Ugovornim organom;
- vodi urednu i detaljnu evidenciju o napredovanju radova, građevinsku knjigu i građevinski dnevnik, sve u skladu sa propisima, dužan je osigurati uvid u iste nadzornom organu, te ih dnevno supotpisivati sa Nadzornim organom;
- se uzdržava od nepotrebnih izmjena postojećeg stanja na lokaciji i da svede ometanje rada korisnika u zgradi Ugovornog organa na najmanju moguću razumnu mjeru, te da po završetku radova sve vrati u prvobitno stanje;
- prije ugradnje, o svom trošku, dostavlja sve dokaze o kvalitetu materijala i opreme i izvrši sva testiranja kako to zatraži nadzorni organ, a prema važećim standardima i propisima. Ukoliko bi to zatražio Nadzorni organ, Izvođač radova će dostavljati radioničke nacрте i uzorke u prirodnoj veličini na odobrenje. Prije naručivanja bilo kojeg građevinskog materijala, materijal mora odobriti

Ugovorni organ korigira svaki rad koji ne bi bio izvršen u skladu s ovim ugovorom, prema pisanim uputama Nadzornog organa koje se upisuju u građevinski dnevnik, i to mora izvršiti odmah o svom



trošku i da uradi i izvrši predaju projekta izvedenog stanja Ugovornom organu, a prije konačnog zapisnika o primopredaji i konačnog izvještaja od strane Nadzornog organa.

(2) Izvođač radova na gradilištu mora imati:

- popis radnika koji će biti na objektu;
- akt o imenovanju odgovorne osobe;
- izvedbene projekte sa svim izmjenama i dopunama;
- građevinski dnevnik i građevinsku knjigu i redovito ih dostavljati predstavniku Ugovornog organa i Nadzornom organu i
- dokumentaciju o ispitivanju ugrađenih materijala i opreme prema programu ispitivanja iz projekta.

(3) Izvođač je dužan:


- da radove izvede stručno i prema projektnoj dokumentaciji i odredbama ovog Ugovora, te u skladu sa važećim zakonskim propisima u građevinarstvu;
- da prije početka radova na licu mjesta izvrši kontrolu ispravnosti projektne i druge tehničke dokumentacije i opreme. Ukoliko uoči greške i nedostatke dužan je upozoriti Ugovorni organ;
- da čuva projekte i primljene podatke za vrijeme izvođenja radova;
- da uradi dinamiku izvođenja radova sa detaljnim opisima radova i aktivnosti, te da svoje aktivnosti uskladi sa ostalim izvođačima;
- da preduzme sve potrebne mjere da ne dođe do oštećenja drugih instalacija i opreme;
- da odgovara za sve štete koje prouzrokuje nesavjesnim i nestručnim izvođenjem radova, te je dužan i finansijski nadoknaditi svu tako nastalu štetu;
- ako Izvođač radova za vrijeme izvođenja radova primijeti da se moraju izvesti naknadni radovi koji nisu obuhvaćeni u pogodbenom predmjeru ili izmjene koje mogu uticati na stabilnost, funkcionalnost i kvalitet ugovorenih radova, dužan je uraditi predračun i predmjer za te naknadne radove ili izmjene i nakon odobrenja od strane Ugovornog organa uz saglasnost Nadzornog organa da izvrši te naknadne radove ili izmjene;
- pravovremeno zahtijevati od Ugovornog organa sva potrebna pojašnjenja u vezi s tehničkom dokumentacijom, tehničkim uvjetima i načinom izvođenja radova;
- pridržavati se propisa, tehničkih normativa, važećih standarda i pravila struke;
- uredno i ažurno voditi građevinski dnevnik i građevinsku knjigu;
- pismeno obavijestiti Ugovorni organ i evidentirati u građevinski dnevnik sve okolnosti koje mogu ometati izvođenje radova;
- da svi radnici na gradilištu budu uredno prijavljeni i moraju posjedovati odgovarajuća uvjerenja o osposobljenosti za rad na siguran način. U slučaju kakvih nepravilnosti, Izvođač radova preuzima potpunu odgovornost za svoje radnike;
- da se pridržava i primjenjuje sve HTZ propise, i opremu za bezbjedan rad na ovakvim poslovima;
- da otkloni sve štete koje su nastale na objektu krivicom Izvođača radova;
- izvođač radova je dužan sve otpatke i smeće koje nastanu tokom izvođenja radova iz ovog ugovora da odnese sa lokacije izvođenja radova i da obezbijedi skladišni prostor za materijal i opremu kao i da materijal i opremu zaštititi od krađe.
- Izvođaču radova se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koje je angažirao Ugovorni organ, najmanje šest mjeseci po zaključenju istog.

VI OBAVEZE UGOVORNOG ORGANA

Član 12.

(1) Obaveze Ugovorenog organa su da:

- a) preda dokumentaciju potrebnu za uvođenje Izvođača radova u posao,
- b) uredno ovjere i plate izvedene radove na način predviđen ovim ugovorom,



- c) nakon tehničkog prijema preuzmu objekat koji je predmet ovog ugovora,
- d) pravovremeno obavijesti Izvođača radova o eventualnim izmjenama u tehničkoj dokumentaciji,
- e) dati Izvođaču radova, putem Nadzornog organa u roku 5 radnih dana, sva objašnjenja i uputstva koja Izvođač radova zatraži;

(2) Nadzorni organ vrši nadzor i kordinaciju tokom realizacije ugovorenih poslova u ime Ugovorenog organa i pravovremeno ukazuje na nedostatke u izvršenju posla.

Član 13.

- (1) Izvođač radova je obavezan omogućiti Ugovorenom organu i njihovim predstavnicima pristup gradilištu u bilo koje vrijeme.
- (2) Dok se budu odvijali radovi, u drugim dijelovima zgrade Ugovornog organa će se odvijati njihove aktivnosti, pa će se zbog toga provoditi posebne mjere zaštite i sigurnosti.
- (3) Ugovorni organ će sa Izvođačem radova definirati potrebe rada tokom vikenda, rad po isteku radnog vremena i ograničeni pristup pojedinim prostorijama zgrade Ugovornog organa.
- (4) Ugovorni organ ima pravo da, u bilo koje vrijeme, izvrši svaku vrstu kontrole i provjere u pogledu izvođenja radova koji su predmet ovog ugovora, vrste, količine i kvalitete korištenog materijala i opreme kao i u vezi sa poštivanjem tenderske dokumentacije.

VII KONTROLA KVALITETA I KVANTITETA RADOVA I UGRAĐENOG MATERIJALA

Član 14.

- (1) Radovi utvrđeni ovim Ugovorom moraju biti kvalitetno izvedeni. Ugovorni organ ima pravo stručnog kontroliranja kvalitete izvršenih radova, a Izvođač je u obavezi kontrolu omogućiti.
- (2) Izvođač radova je dužan o svom trošku pribaviti sve potrebne ateste i mjerenja koji se odnose na izvedbu ugovorenih radova i ugrađenog materijala.
- (3) Izvođač treba da obezbjedi sve ateste, nacрте ili odgovarajuće prospekte i pisane upute o rukovanju i održavanju za sve materijale i opremu.

VIII NAKNADNI I NEPREDVIĐENI RADOVI

Član 15.

- (1) Izvođač radova ne može izvesti nepredviđene radove bez prethodne saglasnosti Ugovornog i nadzornog organa.
- (2) Nepredviđenim radovima u smislu stava (1) ovog člana smatraju se radovi koji su bili prijeko potrebni da bi se osigurala bezbjednost ili spriječio nastanak štete, a izazvani su izvanrednim neočekivanim događajima.
- (3) Izvođač radova je dužan o tim pojavama i poduzetim mjerama bez odgađanja izvijestiti Ugovorni organ i Nadzorni organ.
- (4) Cijene dodatnih nepredviđenih radova, ukoliko su isti obuhvaćeni ponudom Izvođača radova, će se obračunati po jediničnim cijenama istih ili sličnih radova iz ponude, u suprotnom moraju biti odobrene od Ugovornog organa.

IX PRIMOPREDAJA I KONAČNI OBRAČUN

Član 16.

- (1) Izvođač radova je obavezan obavijestiti Ugovorni organ i Nadzorni organ o završetku svih ugovorenih radova putem građevinskog dnevnika.
- (2) O završetku i preuzimanju radova, Nadzorni organ i ovlašteni predstavnici Izvođača radova i Ugovornog organa, sastavit će primopredajni zapisnik u kojem će detaljno utvrditi prvenstveno:



- a) da li izvedeni radovi udovoljavaju uvjetima ovog Ugovora, zakonskim propisima i pravilima struke;
 - b) datume početka, završetka i primopredaje završetka nabavke i ugradnje;
 - c) razvrstati radove koje je Izvođač radova dužan ponovno izvesti, dovršiti ili popraviti, listu nedostataka sa rokom otklanjanja istih;
 - d) moguća sporna pitanja tehničke naravi.
- (4) Zapisnik o primopredaji će se potpisati nakon što Izvođač radova otkloni sve nedostatke koje je utvrdila komisija za pregled završenih radova.
- (5) Ako se zapisnikom kod primopredaje ustanovi da Izvođač radova mora određene radove dovršiti, popraviti ili ponovno izvesti, a on to ne učini, Ugovorni organ može angažirati drugog Izvođača radova na teret Izvođača radova.

Član 17.

- (1) Ponuda Izvođača radova broj 02/09/16 od 13.9.2016. godine na osnovu koje je sačinjen ovaj Ugovor, čini sastavni dio istog.
- (2) Ovaj Ugovor se zaključuje na period do izvršenja radova, a garantni rok je u trajanju od 24 mjeseca.
- (3) U slučaju eventualnih primjedbi Ugovornog organa na kvalitet i količinu, Ugovor se može potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.
- (4) Odredbe ovog Ugovora ne mogu se mijenjati nakon njegovog zaključenja.

X UGOVORNI PENALI I NAKNADA ŠTETE

Član 18.

- (1) Ako Izvođač radova ne ispunji svoju ugovornu obavezu u pogledu roka izvođenja radova prema dinamici Ugovornog organa i Izvođača radova, te u slučaju kašnjenja u izvođenju radova preko 5 dana, Izvođač radova će platiti Ugovornom organu penale u iznosu 0,5% od ugovorene vrijednosti za svaki dan zakašnjenja, a maksimalno 5% od vrijednosti ugovora. Ugovorne penale, Ugovorni organ će naplatiti umanjivanjem posljednje situacije, a ako nije moguće protestiranjem garancije za dobro izvršenje ugovora.
- (2) Ukoliko Izvođač radova na bilo koji način neuredno ispunjava preuzete ugovorne obaveze, a naročito u pogledu dinamike izvođenja radova, kvalitete radova i utvrđenih rokova, Ugovorni organ ima pravo raskida Ugovora i pravo da o trošku Izvođača radova ustupi posao drugom Izvođaču radova sa pravom naknade troškova uvođenja novog Izvođača radova kao i pravo na naknadu mogućeg nastanka štete zbog neispunjenja ugovorne obaveze.

XI ZAVRŠNE ODREDBE

Član 19.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom nadležan je sud u Sarajevu.

Član 20.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih zakonom o obligacionim odnosima.

Član 21.

Za sve što nije regulirano ovim Ugovorom, primjenjivat će se odredbe zakona o obligacionim odnosima.

Član 22.

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Član 23.

Ovaj Ugovor je sačinjen u 6 (šest) istovjetnih primjeraka, od čega svaka ugovorna strana zadržava po 3 (tri) primjerka.

IZVOĐAČ RADOVA

EKO-GRADNJA d.o.o. SARAJEVO

DIREKTOR


Alen Mujezinović, ing. građ.

Broj: 02/10/16

Sarajevo, 10.10.2016. godine



UGOVORNI ORGAN
KANTON SARAJEVO

Ministarstvo za obrazovanje, nauku i mlade

MINISTAR


Prof. dr. Elvir Kazazović

Broj: 106-14-25898-16/16

Sarajevo, 10.10.2016. godine

